



Adroddiad Arolygu

Cylch Meithrin Bancffosfelen

**Ysgol Gynradd Bancffosfelen
Bancffosfelen
Llanelli
SA15 5DR**

This report is also available in English

Mae'r adroddiad hwn hefyd ar gael yn Saesneg

Adroddiad Arolygu a'r Arolygiad heb ei



Dyddiad Cwblhau'r Arolygiad

10/01/2024

Adroddiad terfynol heb ei gyhoeddi

Llywodraeth Cymru © Hawlfraint y Goron 2024.

Cewch ddefnyddio ac aildefnyddio'r wybodaeth sydd yn y cyhoeddiad hwn (ac eithrio'r logos) yn ddi-dâl, mewn unrhyw fformat neu gyfrwng, o dan delerau'r Drwydded Llywodraeth Agored. Gallwch weld y Drwydded Llywodraeth Agored ar wefan yr Archifau Gwladol, neu gallwch ysgrifennu at The Information Policy Team, The National Archives, Kew, London, TW9 4DU, neu anfon e-bost i:

psi@nationalarchives.gsi.gov.uk

Rhaid i chi atgynhyrchu ein deunydd yn fanwl gywir a pheidio â'i ddefnyddio mewn cyd-destun camarweiniol.

Cylch Meithrin Bancffosfelen

Y math o ofal a ddarperir	Gofal Dydd Plant Gofal Dydd Sesiynol
Person Cofrestredig	Siân Williams
Lleoedd cofrestredig	16
Iaith y gwasanaeth	Cymraeg
Arolygiad blaenorol Arolygiaeth Gofal Cymru	18 Hydref 2017
A yw hwn yn wasanaeth Dechrau'n Deg?	Nac ydy
Ydy'r gwasanaeth hwn yn hyrwyddo'r iaith Gymraeg a diwylliant Cymru?	Mae'r gwasanaeth yn darparu 'Cynnig Rhagweithiol' ar gyfer y Gymraeg. Mae'n darparu gwasanaeth sy'n rhagweld, yn nodi ac yn diwallu anghenion Cymraeg a diwylliannol pobl sy'n defnyddio'r gwasanaeth, neu a all ei ddefnyddio.

gyhoeddi

<u>Llesiant</u>	Da
<u>Gofal a Datblygiad</u>	Da
<u>Yr Amgylchedd</u>	Da
<u>Arweinyddiaeth a Rheolaeth</u>	Da

I gael rhagor o wybodaeth am raddau, gweler diwedd yr adroddiad hwn

Crynodeb

Mae'r plant yn hapus ac yn cyfathrebu'n hyderus â'u cyfoedion a'r staff gofal. Maent yn meithrin cydberthnasau cryf. Mae'r rhan fwyaf o'r plant yn annibynnol ac yn cael dewisiadau a chyfleoedd i fynegi eu barn gan wybod y bydd eu lleisiau'n cael eu clywed.

Mae'r staff yn brofiadol ac maent yn deall ac yn dilyn y polisïau a'r gweithdrefnau i hybu llesiant a hyrwyddo diogelwch. Mae'r staff yn annog y plant i fynegi eu hunain ac yn rhyngweithio â nhw mewn modd cadarnhaol a gofalgarn.

Maent yn cynllunio'n dda i fodloni gofynion a diddordebau'r plant.

Mae'r bobl sy'n rhedeg y gwasanaeth yn sicrhau bod yr amgylchedd yn ddiogel ac yn pennu canllawiau clir er mwyn gwneud yn siŵr bod pawb yn deall eu cyfrifoldebau. Maent yn cynnig amrywiaeth dda o adnoddau i ddiwallu anghenion unigol y plant dan do ac yn yr awyr agored.

Mae'r bobl sy'n rhedeg y gwasanaeth yn sicrhau eu bod yn cydymffurfio â'r rheoliadau a'r safonau gofynnol cenedlaethol. Mae ganddynt gydberthnasau cryf â'r rhieni, y gofawyr a'r gymuned leol. Mae ganddynt system ar waith i adolygu'r gwasanaeth yn flynyddol.

Mae'r plant yn cael cyfleoedd da i wneud dewisiadau a phenderfyniadau ac i fynegi barn. Maent yn cyfathrebu'n hyderus â'r staff gofal a'u cyfoedion. Caiff eu dymuniadau, eu teimladau a'u hanghenion eu hystyried bob amser. Caiff safbwyntiau a diddordebau'r plant eu gwerthfawrogi, gan sicrhau eu llesiant unigol. Mae gan y plant lais cryf ac maent yn gwybod y gallant ymuno â gweithgareddau grŵp pan fyddant yn barod i wneud hynny. Er enghraifft, yn ystod amser stori, eisteddodd rhai o'r plant i wrando, a dewisodd rhai eraill chwarae yn yr hambwrdd tywod.

Mae'r plant yn hapus ac wedi meithrin cydberthnasau cadarnhaol â'r staff gofal a'u cyfoedion. Maent yn egnïol ac yn dangos eu bod yn mwynhau eu chwarae. Mae ganddynt ymdeimlad o berthyn, ac maent yn amlwg yn gyfarwydd â'r drefn o ddydd i ddydd. Mae'r plant yn teimlo'n ddiogel ac yn hapus ac maent yn mwynhau'r rhyddid i ddewis ble i chwarae o fewn yr ystafell. Mae'r plant yn dysgu deall eu teimladau ac yn dangos boddhad llwyr wrth ddweud wrthym yn fywiog am eu dydd Nadolig a'r ffaith eu bod wedi deffro i lond lle o anrhegion. Gwnaeth y plant ein harwain yn hyderus o gwmpas y lleoliad i ddangos i ni beth sydd yno a'r hyn y maent yn mwynhau ei wneud fwyaf. Gwnaethant ofyn i ni pam reddem yno.

Mae'r plant yn rhyngweithio'n hyderus ac yn agored. Maent yn cydweithio ac yn cymdeithasu mewn modd cyfeillgar a charedig. Mae'r rhan fwyaf o'r plant yn deall sut i gymryd eu tro, aros, a rhannu. Mae'r rhyngweithio rhwng y plant a'r staff gofal yn dangos bod y plant yn datblygu sgiliau cyfathrebu da. Mae'r plant yn dweud os gwelwch yn dda a diolch yn ystod amser byrbryd, ac maent yn ystyriol wrth ofyn i'w gilydd a hoffent gael rhagor o ffrwythau neu a ydynt wedi cael digon. Mae'r plant yn meithrin ymdeimlad o'r hyn sy'n dda ac yn ddrwg. Sylweddolodd helpwr y dydd yn gyflym nad oedd gan un plentyn blât a dywedodd, *"I've forgotten to give him a plate, I'll get one now, don't worry."*

Mae'r rhan fwyaf o'r plant yn ddysgwyr gweithgar a chwilfrydig ac maent yn cymryd rhan yn frwdfrydig mewn gweithgareddau. Maent yn dangos diddordeb a chyffro ac yn mwynhau cymryd rhan mewn tasgau. Er enghraifft, yn ystod y dasg brwsio dannedd, roedd y plant yn gwrando ar y cyfarwyddiadau o ran pryd i ddechrau brwsio a phryd i roi'r gorau iddi. Gwnaethant ddweud wrthym yn hyderus cyn dechrau, *"we must wash our hands before we start, or germs will make us feel unwell."* Ar ôl iddynt orffen, dywedodd y plant wrthym fod eu hancesi papur wedi'u defnyddio yn mynd i'r bin du, gan mai bin ailgylchu papur yw'r bin glas. Mae'r plant yn mwynhau amrywiaeth o gyfleoedd da dan do ac yn cael rhyddid i ddewis gweithgareddau a symud o gwmpas y lleoliad.

Caiff y plant gyfleoedd da a rheolaidd i ddatblygu sgiliau corfforol, sgiliau cymdeithasol a sgiliau emosiynol a gallant ddilyn eu diddordebau yn llwyddiannus.

Mae'r plant yn meithrin eu sgiliau annibyniaeth drwy ddefnyddio'r toiled, golchi a sychu eu dwylo a gwisgo eu hesgidiau glaw a'u cotiau i fynd allan i'r awyr agored. Mae'r plant yn mwynhau'r rôl o fod yn helpwr y dydd, gan ddsbarthu powlenni a chwpanau i'w ffrindiau â balchder. Mae'r plant yn arllwys dŵr a llaeth o jygiau i'w cwpanau yn fedrus.

Adroddiad terfynol heb ei gyhoeddi

Caiff y lleoliad ei redeg gan staff profiadol sy'n gweithio yno ers amser hir, sy'n deall y polisïau a'r gweithdrefnau ar gyfer hyrwyddo ffyrdd iach o fyw, gweithgareddau corfforol, diogelwch a llesiant personol, ac yn eu rhoi ar waith yn effeithiol. Maent yn dilyn arferion glanhau a hylendid cadarn. Er enghraifft, diheintio'r byrddau cyn ac ar ôl amser byrbryd a golchi eu dwylo'n rheolaidd. Mae pob aelod o'r staff wedi cwblhau hyfforddiant cymorth cyntaf, hyfforddiant diogelu plant a hyfforddiant hylendid bwyd. Mae'r staff yn dilyn canllawiau priodol wrth weini bwyd ac wrth helpu'r plant i fynd i'r toiled. Darperir byrbrydau iach ac mae'r staff yn mwynhau bwyta, sgwrsio a chymdeithasu wrth y bwrdd gyda'r plant. Mae'r staff yn nodi risgiau ac yn eu rheoli'n gyson. Maent yn deall y gweithdrefnau diogelu ac yn gallu esbonio trefniadau'r lleoliad yn hyderus.

Mae'r staff yn ymateb mewn ffordd gyson ac yn gwrandao ar safbwyntiau'r plant ac yn eu parchu. Maent yn rhyngweithio'n dda iawn ac yn dangos anogaeth, cynhesrwydd a charedigrwydd, yn ogystal â sensitifrwydd i anghenion a phrofiadau'r plant unigol. Maent yn dweud wrthym yn falch faint mae'r plant wedi datblygu ers dechrau mynychu'r lleoliad. Mae'r staff yn rhyngweithio'n dawel ac yn bwylllog ac yn gostwng i lefel llygaid y plant wrth siarad â nhw. Maent yn dangos gofal a mwynhad gwirioneddol yn eu rolau.

Mae'r staff yn cynnig amrywiaeth o weithgareddau chwarae a dysgu sy'n addas ar gyfer oedran a datblygiad y plant y maent yn gofalu amdanynt. Ceir cyfleoedd da yn ystod amser byrbryd i feithrin sgiliau annibyniaeth y plant. Mae'r staff yn cynllunio'n dda ar gyfer y camau nesaf ac yn adolygu cynnydd yn rheolaidd. Mae systemau ar waith i ddarparu gofal a chyfleoedd addas i blant ag anghenion ychwanegol, os bydd angen gwneud hynny.

Mae'r gwasanaeth yn neuadd ysgol gynradd y pentref. Mae'n darparu amgylchedd glân, cynnes a diogel. Mae lefel dda o ddiogelwch yn y lleoliad ac mae'r brif fynedfa yn cael ei rheoli'n electronig gan y staff. Mae'r bobl sy'n rhedeg y gwasanaeth yn sicrhau y caiff asesiadau risg dyddiol a chyffredinol, yn ogystal ag asesiadau risg tân, eu cynnal a'u hadolygu'n rheolaidd. Mae'r bobl sy'n rhedeg y gwasanaeth yn sicrhau bod y gymhareb rhwng y staff gofal a'r plant yn gywir a'u bod yn goruchwyllo'r plant yn dda iawn. Gall y plant fynd i'r toiledau yn annibynnol, ac mae'r staff gofal yn sicrhau bod trefniadau clir a diogel ar waith. Mae llyfr ymwelwyr, rota staff, cofrestr plant a chofnodion cofrestru staff ar waith, sy'n sicrhau diogelwch y plant a'r lleoliad.

Mae'r ardal dan do yn fach ac yn cynnwys ardaloedd chwarae wedi'u gosod ar gyfer y plant. Mae digon o le i nifer presennol y plant. Fodd bynnag, mae angen i'r bobl sy'n rhedeg y lleoliad fod yn ymwybodol o'r gofod chwarae sydd ar gael os bydd y niferoedd yn cynyddu yn y dyfodol. Caiff gwaith papur cyfrinachol ei storio mewn cabinet ffeilio dan glo a dim ond yr arweinwyr all gael mynediad iddo. Ar hyn o bryd, mae'r staff yn paratoi byrbrydau a diodydd yn ffreutur yr ysgol sydd wedi'i lleoli yn y neuadd. Mae ardal awyr agored fawr wrth ochr yr adellad ar gael i'r plant a chaff ei rhannu â'r plant ysgol. Mae'n ddiogel ac yn cynnig digon o le ar gyfer gweithgareddau chwarae corfforol fel dringo, chwarae rôl, a llwyfan perfformio a chwarae synhwyrdd. Gall y plant ddefnyddio ardal laswelltlog agored fawr lle y gallant reddeg o gwmpas yn rhydd.

Mae'r bobl sy'n rhedeg y lleoliad yn darparu amrywiaeth eang o adnoddau chwarae a dysgu o ansawdd da sy'n briodol i gamau datblygu'r plant, er mwyn sicrhau bod amrywiaeth a dewis da ar gael i ysgogi eu chwilfrydedd.. Mae ardaloedd chwarae wedi'u gosod fel cornel lyfrau, jig-sos bwrdd, ardal chwarae rôl ac ardal grefftau a pheintio. Gall y plant gael gafael ar yr amrywiaeth eang o deganau ac adnoddau yn hawdd, gan eu bod yn cael eu storio ar lefel isel ac o fewn cyrraedd iddynt.

Mae'r bobl sy'n rhedeg y lleoliad yn cynnal ac yn rhannu datganiad o ddiben cyfredol ac effeithiol sy'n adlewyrchu'r gwasanaeth a ddarperir yn gywir ac sy'n cyrraedd y Safonau Gofynnol Cenedlaethol. Mae'r bobl sy'n rhedeg y lleoliad yn ymgysylltu'n gadarnhaol ag Arolygiaeth Gofal Cymru (AGC) ac maent yn awyddus i hybu gwelliant. Maent yn sicrhau bod yr holl gofnodion gofynnol yn drefnus a'u bod yn cael eu cadw'n gywir. Maent yn hysbysu AGC am ddiwyddiadau o bwys.

Mae'r bobl sy'n rhedeg y lleoliad yn rhoi'r arferion gorau cyfredol ar waith sy'n berthnasol i'r plant yn eu gofal. Maent yn dilyn prosesau hunanwerthuso. Maent yn llunio adroddiad trylwyr a myfyriol ar ansawdd y gofal, gan ofyn am safbwyntiau'r plant, y rhieni a'r staff a'u rhoi ar waith.

Mae'r bobl sy'n rhedeg y gwasanaeth yn dilyn prosesau recriwtio amserol a chadarn er mwyn diogelu'r plant ac yn dilyn polisiâu a gweithdrefnau'r lleoliad. Mae ganddynt systemau da ar waith i ddiweddarau gwiriadau addasrwydd fel sy'n ofynnol. Mae proses reoli perfformiad ar waith ac mae'r staff a'r arweinwyr yn cael arfarniadau blynyddol a sesiynau goruchwyllo rheolaidd. Fodd bynnag, nid yw'r rhain yn cael eu cofnodi.

Mae gan y bobl sy'n rhedeg y lleoliad gydberthynas dda â'r ysgol, sy'n sicrhau proses bontio ddiraffferth i'r plant. Cyn dechrau yn yr ysgol, mae'r plant yn ymweld â hi'n wythnosol er mwyn dod i adnabod y staff ac arferion yr ysgol. Mae adborth gan y rhieni yn dangos eu bod yn hapus iawn gyda'r ffordd mae annibyniaeth eu plant yn cael ei meithrin a'i hannog a'u bod yn teimlo bod eu plant yn ffynnu. Dywedodd y bobl sy'n rhedeg y lleoliad wrthym eu bod yn cael cefnogaeth ardderchog gan y rhieni, y gofalwyr, yr ysgol a'r gymuned leol pan fyddant yn trefnu digwyddiadau codi arian.

Crynodeb o'r Achos o Ddiffyg Cydymffurfio

Statws	Ystyr pob un
Newydd	Nodwyd yr achos hwn o ddiffyg cydymffurfio yn yr arolygiad hwn.
Adolygwyd	Adolygwyd cydymffurfiaeth yn ystod yr arolygiad hwn ond ni lwyddwyd i'w chyflawni. Mae'r dyddiad targed ar gyfer cydymffurfio yn y dyfodol a chaiff ei brofi yn ystod yr arolygiad nesaf.
Heb Gyflawni	Profwyd cydymffurfiaeth yn ystod yr arolygiad hwn ond ni lwyddwyd i'w chyflawni.
Cyflawnwyd	Profwyd cydymffurfiaeth yn ystod yr arolygiad hwn a llwyddwyd i'w chyflawni.

Rydym yn ymateb i achosion o ddiffyg cydymffurfio â rheoliadau pan gaiff canlyniadau gwael i bobl, a/neu risg i lesiant pobl eu nodi drwy gyhoeddi Hysbysiad(au) Gweithredu â Blaenoriaeth.

Rhaid i'r darparwr gymryd camau ar unwaith i ymdrin â hyn a gwneud gwelliannau. Os bydd darparwyr yn methu â chymryd camau gweithredu â blaenoriaeth erbyn y dyddiad targed, gallwn uwchgyfeirio'r mater at Banel Gwella a Gorfodi.

Hysbysiad(au) Gweithredu â Blaenoriaeth

Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G

Lle byddwn yn canfod achosion o ddiffyg cydymffurfio â rheoliadau ond na chaiff unrhyw risg uniongyrchol na sylweddol i'r bobl sy'n defnyddio'r gwasanaeth ei nodi, byddwn yn tynnu sylw atynt fel Meysydd i'w Gwella.

Byddwn yn disgwyl i'r darparwr gymryd camau i unioni'r achos a byddwn yn ei ystyried eto yn yr arolygiad nesaf. Lle bydd y darparwr wedi methu â gwneud y gwelliannau angenrheidiol, byddwn yn uwchgyfeirio'r mater drwy gyhoeddi Hysbysiad Gweithredu â Blaenoriaeth.

Maes i'w Wella/Meysydd i'w Gwella		
Rheoliad	Crynodeb	Statws
Dd/G	Ni nodwyd unrhyw achosion o ddiffyg cydymffurfio o'r math hwn yn yr arolygiad hwn	Dd/G

Lle byddwn yn canfod nad yw'r darparwr yn cyrraedd y Safonau Gofynnol Cenedlaethol ar gyfer Gofal Plant Rheoleiddiedig ond nad oes unrhyw risg uniongyrchol na sylweddol i'r bobl sy'n defnyddio'r gwasanaeth, rydym yn tynnu sylw at yr enghreifftiau hyn fel Argymhellion i Gyrraedd y Safonau Gofynnol Cenedlaethol.

Rydym yn disgwyl i'r darparwr weithredu i ymdrin â'r rhain, a byddwn yn eu hystyried yn yr arolygiad nesaf.

Safonau Gofynnol Cenedlaethol	
Safon	Argymhelliad/argymhellion
	Ni nodwyd unrhyw argymhellion mewn perthynas â'r Safonau Gofynnol Cenedlaethol yn ystod yr arolygiad hwn

Pan fyddwn o'r farn y byddai hynny'n ddefnyddiol, mae'n bosibl y byddwn yn gwneud argymhellion arferion gorau. Nod yr argymhellion hyn yw annog lleoliadau sy'n gwneud yn dda i ddod hyd yn oed yn well wrth helpu plant i ffynnu.

Arferion Gorau
Argymhelliad/argymhellion
Cofnodi a ffurfioli sesiynau goruchwylio'r staff.

Graddau	Ystyr y graddau
Rhagorol	Gwasanaethau sy'n ymrwymedig i welliant parhaus ac sydd â llawer o gryfderau, gan gynnwys enghreifftiau arwyddocaol o ymarfer ac arloesi sy'n arwain y sector. Mae'r gwasanaethau hyn yn darparu gofal a chymorth o ansawdd uchel a gallant ddangos eu bod yn gwneud cyfraniad cadarn tuag at wella llesiant plant.
Da	Gwasanaethau sydd â chryfderau a heb unrhyw feysydd pwysig sydd angen eu gwella'n sylweddol. Maent yn rhagori ar y gofynion sylfaenol yn gyson, gan sicrhau canlyniadau cadarnhaol i blant a hybu eu llesiant yn rhagweithiol.
Digonol	Gwasanaethau lle mae mwy o gryfderau na meysydd i'w gwella. Maent yn ddiogel ac yn bodloni'r gofynion sylfaenol ond mae angen gwelliannau er mwyn hyrwyddo llesiant a gwella canlyniadau i blant.
Gwael	Gwasanaethau lle mae mwy o feysydd pwysig i'w gwella na chryfderau ac mae enghreifftiau arwyddocaol o ddiffyg cydymffurfio sy'n effeithio'n negyddol ar lesiant plant. Lle bydd gwasanaethau yn wael, byddwn yn cymryd camau gorfodi ac yn cyhoeddi hysbysiad diffyg cydymffurfio.

gyhoeddi

A oedd yr adroddiad hwn yn ddefnyddiol?

Rydym am glywed eich barn a'ch profiadau o ddarllen ein hadroddiadau arolygu. Bydd hyn yn ein helpu i ddeall a yw ein hadroddiadau yn rhoi gwybodaeth glir a gwerthfawr i chi.

I rannu eich barn ar ein hadroddiadau, dilynwch y ddolen isod i gwblhau arolwg byr:

- [Arolwg adroddiadau arolygu](#)

Os hoffech roi adborth cyffredinol ar wasanaeth, ewch i'n [tudalen Arolygon adborth](#).

Dyddiad Cyhoeddi Insert_Report_Published_Actual_Donot_Delete

Adroddiad terfynol heb ei gyhoeddi